

西
江
詩
話

序

余弱冠授書以爲當論千

古人步遊天下士而專肄

舉子業恒不能大滿所願

逮通仕籍佐未城守枯蒼

山澤處博書期會之暇以
文會友首以得士為名
士之生於浙者無不樂從
余遊既而觀察西江西江
襟江帶湖地靈人傑下車

之日即卜其必有不世之
才挺出其間是以愜余平
生望士之難久之為辛未
得也間有卜言者忘道
元四五之間而已而乃

得喪子何遠接其丰采亭
亭獨立聆其結論怕々如
不勝因生主蔭蓄小凡嘗
必大有小觀未旋出其西
江詩話一編以見示無問

序焉余披閱教道見其搜
羅甚富而詳略有體增益
不冗而始末畢見或言無
多而其人亦嘉者不以言
廢人或人甚微而志意足

錄者不以人廢言真可以
徵文獻之闕而補志乘之
漏矣名曰詩話淵顯闡幽
之心也繫以西江茶發葉
棹之義也任遠學識端亮

早定京兆賢書名聞

禁中英推為天下士乃先抗

懷忠孝而尚論一國之古

人他日樹幟南宮鼓吹

休明必能讀書出人而尚論

天下之古人亦多矣西江
詩話其全豹之一斑乎任
遠平書云若述甚多皆次
第出之今乃次第序之余
其搽不律以待幸早示我

俾得窺金笈不負余平生
聖士之勲也夫

康熙四十三年歲在甲申

春正月人日年宗春弟遼

海劉廷琰在園氏書

自序

鹵江詩話者何僕以西江
人說西江詩如樊者指點
峰谷高深渙者譚蘆花澄
淺皆是自家人說自家話

宜不同於門外漢隔壁帳
也其中有詩品焉有詩志
焉有詩釋焉有補亡焉有
訂謬焉有類及焉有源流
焉有異同焉有辨證焉統

曰詩話者示不敢僭也凡
晉唐人一卷兩宋四卷元
一卷勝國及近人之已故
方有待於論定者為四卷
而以仙道閨秀二卷附焉

通十二卷或曰前賢之為
詩話夥矣大都拈警摘瑕
月旦昔氏或明體制記見
聞錄異事正訛誤資閒譚
未嘗剖符劃域而以地限

之也學人讀書經世尚當
求為天下之士無厘厘一
鄉一國間說詩而限以地
得無非私則隘乎余曰唯
唯否否昔夫子刪詩至十

五國而系以地曰國風說
者謂楚獨無風然江永漢
廣之什見於二南吳六無
風而季子聘魯凡列國詩
歌上迄虞夏皆有論次江

右固吳頭楚尾之區也編
詩話而系西江意者竊取
夫子十五國風之旨而吳
楚二風之補乎且夫行邁
屢稅而過甚故土則欣去

國于役而回念鄉井則懷
故我徂東山可以教忠我
心西歸可以教孝編西江
詩話者隱然有忠孝之思
焉雜纂諸家評錄隨標一

二佳什大段倣金唐詩話
而微有不同者詳壽里出
靈考時代先後名公巨製
連幅不述人微事渺隻字
必登凡以徵文獻之闕遺

聖

補志乘之謬謫總祈無失
乎維素與梓之意而已矣
天子神亨天縱萬幾之暇
遊意翰墨無不空前絕後
超軼萬古

御製詩篇駕南薰喜起而上
之西江壤連甌粵去天稍
遠而

皇風昌懋無遐弗殺當必有
溫柔惇厚之士作為雅頌

歌咏

功德以鳴生民未有之盛而
區區不才固非其人也然
而草茅下士叨列賢書雅
有採輯之志因裒此編以

附敬恭錄之後若云揚孤
樹幟欲以張吾西江而自
負於可與言詩之列也則
吾豈敢

康熙四十二年歲在癸未

嘉平月朔日妙貫堂主
人裘君弘書

記西江詩話緣起

本意咎通志人物傳脫畧頗多非所以徵文考獻
備

聖朝大一統志之採擇也因不揣弇鄙欲旁搜博考
輯爲一書曰江西通志人物補願其事重大不敢
速成恐滋楚則失矣齊亦未得之誚然而諸閱亦
已勤矣搜覽亦頗廣矣其間遇先輩嘉言懿行有
可興起百世者會心不遑輒摘而錄之積久成帙
辛巳冬月更加編較又彙其家庭世澤師友燈薪

與夫人與迹之異代同符異事同情者合而傳之
總曰敬恭錄取恭敬桑梓之義編首印章鐫勿媿
鄉賢四字哀錄之意蓋至乎此語具自序中至錄
外所見昔賢撰著及諸家譚筆有及于詩者則另
編之因思呂舍人江西宗派之說爲西江詩話十
二卷此是書之所由起也其軼事舊聞不入錄又
不關詩者仍別爲一編曰西江雜紀云

編餘隨筆

計十三則

三唐間西江詩人甚少初則絕無盛則僅有中晚

始稍稍出矣然其詩流傳至今又皆無幾故遇唐人詩凡余及見者多收錄之不必盡話也

有其人能詩而詩不傳或傳矣而余案頭無其詩無從評騭者然不可歿也姑記姓名代貫于左以俟續編再爲搜入

凡偶錄其詩每人少者一二首至多不越十五首如全篇則標以某題警句則以句字斷之俱倣全唐詩話例

凡編纂諸家話錄如全段採入者下注出某書稍

加增節及以愚意貫串其間槩不別注所出

呂伯恭文鑑五例其一云有其文雖不甚佳而其
人賢名微恐其泯滅亦編其一二篇者集中載一
一首不甚佳之詩意蓋祖此又云有其文且如此
而衆人以爲佳者集中載不甚愜意之詩及不甚
要緊不甚雋拔之話意亦祖此一闡幽潛一從衆
好也

編止勝國之季以事久論定故也間有附及一二
近人者亦必其人已往始表而出之現在名公槩

不敢牽入

編中所錄詩人姓名見于通志者十之七不見者
十之三則知此編補正通志脫漏固非一端也匪
是則其人之姓名且不聞于鄉里矣謂此爲無益
可乎

凡姓名爲通志所軼者卽于目錄下注通志未載
四字以備他日按名更搜考其行實傳之

指唐宋
元明諸

公近人不在此例蓋事
久論定又俟後之君子

世俗忽近貴遠甚者忌嫉之心積而爲毀余故遇

同郡同邑諸先輩有一篇一句傳播者每降格收之亦欲以懲薄俗云爾覽者諒焉

仙道之後原有詩僧一卷屬余平日習聞祖父之訓雅不好天竺家言又其雲水之踪四大俱幻何從而別其某州某邑乎是以刪之

是編據所見哀之深媿纂紀不博俟再搜考爲西江詩話續編云

編中約四百餘家或曰西江詩人盡于此乎余曰不然全唐詩話不過三百餘家而李杜高岑皆不

入話可謂片羽點斑說者且云三變梗槩已具見
矣西江一隅積至四百餘家其風雅正變不亦具
梗槩于此耶

西江詩發靈於晉萌芽於唐而昌大於宋宋詩至
西江其風雅葵丘之會乎然而亦有三變一盛於
歐王至豫章而一變再盛於豫章至誠齋諸公而
又一變元稱虞楊范揭顧四家皆出西江蓋去宋
未遠宗派之遺風未泯故也若明朝二百餘年十
五國中大都自檜無訛雖有前後七子及景陵及

虞山然于唐闡宋闕俱未攔入西江寧獨不然特
至啓禎又當別論矣氣格有類中晚而佳什林立
于宋之幟爲殿于明之瀾爲砥其世運之衰詩道
之復意者所以兆

國朝文明之盛而爲元音之先聲乎西江詩千餘年
間其大槩不過如此

癸未一之日妙貫堂書

西江詩話目錄

香坡裘君弘任遠輯

卷一

陶淵明

周羅睺

劉脊虛

王季友

楊志堅

陶峴

通志未載

楊衡

熊孺登

吳武陵

幸南容

張頂

施肩吾

來鵬

通志未載

來鵠

袁皓

盧肇

任濤

裴式微

鄭谷

孫魴

通志未載

廖融

王貞白

廖光圖

廖凝

陳陶

沈彬

朱齊丘

伍喬

樂史

丘昶

通志未載

卷二

歐陽脩

孫冕

曾致堯

胡旦

晏殊

劉渙

劉攽

夏竦

陳彭年

王安石

王安國

王雱

孔武仲
平仲

劉沆

劉恕

彭汝礪

曾肇

曾肇

曾布

朱京

李觀

袁陟

通志未載

張綬

董鉞

劉平伯

晏幾道

呂倚

吳有隣

李陽孫

裴煜

蔡承禧

王本

傅拳

王鴻

張吉

危拱辰

吳蕃

吳奎

王奇

陳遷

李常

潘興嗣

葉似珪

劉燁

卷三

黃庭堅

黃庶

黃大臨

謝逸

謝邁

饒節

洪朋

洪芻

洪炎

徐俯

汪革

李彭

通志未載

張擴

胡宗元

通志未載

曾紘

子思通志俱未載

李怱

通志未載

羅尚友

黎道華

曾幾

曾紆

曾季狸

蔡栴

呂南公

汪應辰

利申

易著明

孫勵

馬存

彭超然

彭淵材

卷四

楊萬里

周必大

陸九齡

陸九淵

葛敏脩

劉過

劉敏求

通志
未載

劉侗

通志
未載

鄭芝秀

劉弁

李

樵

通志
未載

劉

迂

胡直孺

余安行

通志
未載

董穎

袁去華

通志
未載

王子俊

段子冲

趙東野

艾叔可

洪皓

洪适

洪遵

洪邁

裘萬頃

通志
未載

石孝友

通志
未載

歐陽澈

胡致隆

趙善堅

通志未載

羅士友

李獻可

詹叔義

黃希

趙希普

謝諤

杜圯

通志未載

余國寶

通志未載

孔鑑

汪洋

武允蹈

黃滄

沈莊可

王庭珪

胡銓

歐陽鈇

袁鳳

丁 鏌 通志未載

吳 沆

黃 鑑 通志未載

文 儀 通志未載

汪 莘

黃 談 通志未載

鄒 惇禮

陳 琦

趙像之

羅之紀

李 浩

余大昕

張嗣古

繆 瑜

何 偁 通志未載

羅善同

陳 孺

季 相 通志未載

謝源

蔡仲舒

趙汝愚

吳曾

趙崇憲

何行

黃人傑

通志未載

楊無咎

吳鑑

郭應祥

通志未載

鄧元

通志未載

王大受

通志未載

楊炎止

通志未載

徐得之

姜夔

歐陽夔

施師點

劉堯夫

鄧虎

阮薦

劉德秀

通志
未載

京鏜

李劉

曾極

曾慥

通志
未載

羅鑑

徐元杰

鄧繼祖

通志
未載

李公彥

陶復亨

曾丰

饒魯

林夢英

徐斯遠

通志
未載

周日章

趙蕃

江萬里

羅必元

姚勉

朱景文

魯澣

卷五

文天祥

杜伯揚
蕭敬夫

謝枋得

童潮
通志未載

唐元齡
通志未載

袁度

宗必經

劉君實

劉子虛

羅天酉

蕭 勛

王 奕

李 進

劉應鳳

蕭 立

鄭進古

吳仲軒

余芑舒

章 鑑

王義山

通志
未載

羅大經

甘 泳

曾原一

劉辰翁

李 洪

通志
未載

况志寧

通志
未載

陶平塘

通志
未載

王炎午

章甫

楊介如

繆穆

朱自遜

鄧剡

通志未載

劉澄

汪大有

通志未載

鄧德遇

通志未載

卷六

吳澄

虞集

楊載

范梈

揭傒斯

周應極

程文海

張翥

通志未載

余濟

吳定翁

張純仁

通志
未載

蕭志仁

鄭蘭玉

齊大同

胡山立

姚雲

倪道原

王觀

通志
未載

王竹逸

蕭士贊

胡諤

黎廷瑞

何中

傅若金

陳昇

李宗明

通志
未載

胡元瑄

通志未載

李漢用

陳謨

譚觀

黃珪羅志仁

熊師賢

通志未載

鄧學詩

周德清

雷思齊

魯脩

劉隆瑞

周昂霄

伯顏子中

裴夢霆

危素

饒介

周志遠

程以臨

羅文節

葉蘭

徐明善

高驤

張埴

黃異

卷七

吳伯宗

劉崧

陸植

劉永之

吳溥

鄧伯言

劉伯川

朱善

胡季安

朱弘祖

朱智

黃子澄

練子寧

范敬先

黃架

劉盡

劉紹

鄧棨

劉季道

涂幾

胡閏

張里

蕭鵬舉

解縉

胡廣

金幼孜

吳與弼

楊士奇

羅汝敬

周振

通志未載

胡儼

徐子權

李時勉

曾棨

蕭暉

黃克

黎慎

劉髦

通志未載

劉球

揭稽

孫鼎

黎近

劉翔

崔琬

黃半閒

聶大年

吳觀

丁機通志未載

高明

何文淵

敖英

湯熙

劉定之

李大章

李榕

裘翺

鄒準

通志未載

毛伯溫

朱源

卷八

費宏

費采

蕭子鵬通志未載

羅玘

羅汝芳

徐瓊

戴珊

徐霖

孫需

彭時弟華

廖紀通志未載

吳錫

鄭毅

夏尚朴

熊茂通志未載

孫治

周季鳳

陳良頤

桂榮

彭福

廖森

通志未載

羅倫

羅洪先

熊卓

鄒守益

袁魯訓

萬虞愷

徐良傳

舒化

簡紹芳

劉應麒

裘衍

喻均

樂鎗

通志未載

周業孔

通志未載

孫開

通志未載

張鏊

紀振東

通志未載

萬恭

吳璵

陳昂

張希舉通志未載

張春

鄒善

譚綸

萬嗣達

勞堪

簡佐

劉成穆

劉頴

祝世祿

朱多燾通志未載

余曰德通志未載

朱多燿通志未載

張位

湯顯祖

鄒德溥

樊良樞

通志未載

袁懋謙

通志未載

楊惟休

劉鐸

鄒元標

陳邦瞻

熊化

鄭邦福

鄭以偉

周獻臣

卷九

萬時華

李汝璈

朱統鐸

通志未載

費元祿

通志未載

丘兆麟

熊明遇

符尚仁

通志
未載

洪維幹

鄧文明

通志
未載

王士昌

通志
未載

雷 暎

通志
未載

喻應夔

通志
未載

王演疇

龍士通

方應瀚

宋九儀

梁維新

劉同升

李 奇

通志
未載

韓 范

湯開先

通志
未載

楊廷麟

吳甘來

涂伯昌

通志
未載

黃端伯

熊斯男

李良

通志
未載

李元鼎

戴九元

汪應婁

康范生

馬猶龍

通志
未載

蕭士瑋

文德翼

舒忠讜

通志
未載

陳弘緒

通志
未載

劉季鑛

陶應龍

湯來賀

卷十

徐世溥

通志
未載

蘇桓

通志
未載

熊文舉

王猷定

通志
未載

李明睿

黎元寬

吳廷謨

董繼周

余正垣

通志
未載

喻全禩

通志
未載

胡浹

通志
未載

丁孕乾

通志
未載

楊益俞

通志
未載

楊益介

通志
未載

何一泗

通志
未載

甘京

彭士望

魏禧

許儔

黎祖功

熊悅

羅光春

曾曉

舒性

劉元釗

周白

張貞生

丁弘誨

劉良玉

毛達

熊啓華

裘君引

卷十一

徐慧

伊用昌

周貫

趙子甄

汪一雷

連可久

萬直臣

王道堅

黃知微

晏頴

王蒙道人

王傲道

田純靜

李思聰

吳元初

劉淵然

張至常

通志
未載

凌虛觀道士

洪崖題壁

玉壺洞客

松山老叟

卷十二

張麗英

吳綵鸞

曾子宣夫人

通志
未載

王荆公女

孫

淑

通志
未載

譚友妻董氏

戴復古妻

曠維禎妻曾氏

吳皆蓋妻魯氏

倪玉

遠山夫人

西江詩話 卷一

香坡裘君弘任遠輯

陶淵明

陶集拱壁千載家有其書槩不掄入惟採古今論
陶諸則可以與陶詩相發明者錄之如左

時周續之入廬山事釋慧遠彭澤劉遺民亦遜迹
匡山淵明文不應徵命謂之潯陽三隱後刺史檀
韶苦請續之出州與學士祖企謝景葵共在城北
講禮加以較讐所任公廨近于馬隊故淵明示其

詩云周生述孔業祖謝讐然臻馬隊非講肆校書

亦已勤

選出文

陳善曰乍讀淵明詩頗似枯澹久又有味東坡晚年酷好之謂李杜不及也

又曰採菊東籬下悠然見南山採菊之際無意于山而景與意會此淵明得意處

又曰藹藹遠人村依依墟里烟犬吠桑巷中雞鳴桑樹顛當與幽詩七月相表裏

又曰擬古詩難于近似觀江文通雜體三十首便

是淵明具體叔敖復生自是以來作者衆矣然皆乘漢王之車據仲尼之坐者也

又曰山谷嘗謂樂天子厚俱効淵明作詩而唯子厚爲近以予觀之子厚語近而氣不近樂天學近而語不近子厚氣悽愴樂天語散緩各得其一要于淵明未能盡似也東坡亦嘗和陶百餘篇自謂不甚媿淵明然坡詩亦微傷巧不若陶詩體合自然也要知淵明詩須觀文通擬作者方是逼真又曰予每論詩以淵明韓杜諸公皆爲韻勝一日

見林侔于徑山夜話及此林曰詩有格有韻故自
不同如淵明詩是其格高謝靈運池塘春草之句
乃其韻勝也格高似梅花韻勝似海棠予聽之矍
然有悟自此讀詩便覺兩眼如月盡見古人旨趣
然恐前輩或有所未聞

又曰學淵明而不至者爲樂天

以上刪
錄新話

黃山谷曰觀淵明責子詩想見其人愷悌慈祥戲
謔可觀也俗人便謂其子皆不肖而愁歎見于詩
可謂癡人前不得說夢也

蘇東坡曰吾于詩人無所好獨好淵明淵明詩不多然質而實綺麗而實腴自曹劉沈謝李杜諸人莫能及也

黃山谷曰寧律不諧不使句弱寧用字不工不使語俗此庾開府所長也至于淵明則所謂不煩繩削而自合者要當與一丘一壑者共之耳

楊龜山曰淵明詩所不可及者冲澹深邃出于自然若曾用力學然後知非着力之所能及也

朱子語錄曰淵明詩人皆說平澹據某看他自豪

放但豪放得來不覺耳其露出本相者是詠荊軻
一篇平澹底人如何說得這樣言語出來

真西山曰淵明之學正自經術中來故形于詩有
不可掩榮木之憂逝水之歎也貧士之詠簞瓢之
樂也飲酒末章有曰羲黃去我久舉世少復真汲
汲魯中叟彌縫使其淳淵明之志及此豈元虛之
士可望耶

劉後村曰陶公如天地間慶雲醴泉是惟無出出
則爲祥瑞且饒坡公一人和陶可也

許顗曰彭澤詩顏謝潘陸皆不及者以其平昔所行之事賦之于詩無一點媿詞所以能耳

士大夫學淵明作詩往往故爲平澹之語而不知淵明制作之妙已在其中如讀山海經云亭亭明玕照落落清瑤流豈無雕琢之功蓋明玕謂竹清瑤謂水與所謂紅皺颺簷瓦黃團繁門衡者異矣

出竹坡

紅皺二句退之詩話城南聯句也

靖節集末載宣和六年臨溪曾絃謂靖節讀山海經詩其一篇云形天無千歲猛志固常在疑上下

文義不貫遂接山海經有云形天獸名口銜干戚而舞以此句爲形天舞干戚因筆彙相近五字皆訛岑穰晁詠之撫掌稱善予謂絃說固善然靖節此題十三篇大槩篇指一事如前篇終始記夸父則此篇恐專說精衛銜木填海無千歲之壽而猛志常在化去不悔若併指刑天似不相續又況末句云徒設在昔心良晨詎可待何預干戚之猛耶後見周紫芝竹坡詩話復襲絃意以爲已說皆誤

矣
出二老
堂詩話

靖節桃花源詩自記畧云晉太元中武陵人捕魚

漁人黃姓
道真名

緣溪行忽逢桃花林夾岸數百步中無

雜樹花草繽紛甚異之前窮其源便得一山山有
小口髣髴有光捨船入初極狹行數十步豁然開
朗屋舍儼然有田池桑竹之屬雞犬男女悉如外
人見漁人乃大驚要還家設酒食村中咸來問訊
自云先世避秦亂率妻子邑人來此遂與外人間
隔問今何世乃不知有漢無論魏晉延數日辭去
語云不足爲外人道也旣出向路處處誌之詣太

守劉歆說卽遣人隨往尋向所誌迷不復得南陽劉

子驥高士也聞之欣然親往未果尋病終後遂無
問津者東坡曰世傳桃源事多過其實考淵明所
記止言先世避秦亂來此則漁人所見似是其子
孫非秦人不死者也此論足爲千古定案然余讀
靖節詩如云桑竹垂餘蔭雞犬互鳴吠俎豆猶古
法衣裳無新製童孺縱行歌班白歡遊詣草榮識
節和木衰知風厲宛然一幅山居圖画雖曰避秦
人子孫而踞此洞天勝境欲不命之爲仙得乎

漢魏古詩氣象混沌難以句摘晉以還方有佳句
如淵明採菊東籬下謝靈運池塘生春草之類謝
所以不及陶者康樂之詩精工淵明之詩質而自
然耳

出滄浪
詩話

西清詩話載晁文元家所藏陶詩有問來使一篇
云爾從山中來早晚發天目我屋南山下今生幾
藜菊薔薇葉已抽秋蘭氣當馥歸去來山中山中
酒應熟予謂此篇誠佳然其體製氣象與淵明不
類得非太白逸詩後人誤取以入陶集耳

出同
上

春水滿四澤夏雲多奇峯秋月揚明輝冬嶺秀孤松此顧長康詩誤編入陶集中

歸去來辭云既自以心爲形役奚惆悵而獨悲是此老悟道處人能用此兩句出處有餘裕也

二則出彦

周詩話

淵明詩弱女雖非男尉情良勝無樂天詩衰病四十身嬌癡三歲女非男猶勝無尉情時一撫用陶意也芥隱筆記云淵明有責子詩雖有五男兒總不好紙筆淵明豈特有女或者此詩作于未得子

之前容有此理愚謂陶詩之意以弱女雖非男兒
然日嬉戲于膝前其言笑色態良慰一切之情固
勝人家之絕無兒女子嬉戲膝前者蓋憐其弱而
好弄耳非必直以已無男有女而作此慰遣之詞
也不然五男不爲不多豈必皆晚舉耶若香山云
云則真抱伯道之戚而勉強以中郎自解雖曰尉
情其爲傷情也深矣細玩兩詩一和緩一淒切語
氣故自不同

梁鍾嶸作詩品以淵明出于應璩此語不知其所

據璩詩不多見惟文選載其百一詩一篇所謂可
流不可處君子慎厥初者與陶詩了不相類五臣
注引文章錄云曹爽用事多違法度璩作此詩以
刺在位意若百分有補于一者淵明正以脫畧世
故超然物外爲意顧區區在位者何足累其心哉
且此老何嘗有意欲以詩自名而追取一人而模
倣之此乃當時文士與世競進而爭長者所爲何
期此老之淺蓋礫之陋也

出石林
詩話

東坡嘗曰淵明詩初看若散緩熟視有奇句如日

暮巾柴車路暗光已夕歸人望烟火稚子候簷隙
又採菊東籬下悠然見南山又靄靄遠人村依依
墟里烟犬吠深巷中雞鳴桑樹顛大率才高意遠
則所寓得其妙造語精到之至遂能如此似大匠
運斤不見斧鑿之痕不知者困疲精力至死不悟
而俗人亦謂之佳如曰一千里色中秋月十萬軍
聲半夜潮又曰蝴蝶夢中家萬里子規枝上月三
更又曰深秋簾幙千家雨落日樓臺一笛風皆如
寒乞相一覽便盡初如秀整熟視無神氣以其字

露也東坡作對則不然如曰山中老宿依然在案
上楞嚴已不看之類更無齟齬之態細味對甚的
而字不露此其得淵明之遺意耳

出冷齋
夜話

東坡在惠州盡和陶詩山谷在黔南聞之作偈曰
子瞻謫海南時宰欲殺之飽喫惠州飯細和淵明
詩淵明千載人子瞻百世士出處固不同風味亦
相似

番陽湯文清公漢有靖節詩註四卷以述酒一篇
爲晉恭帝哀詞蓋劉裕旣受禪使張偉以毒酒酖

帝偉自飲卒乃令兵人踰垣進藥帝不肯飲以被掩殺之故哀帝詩託名述酒漢自序云陶公詩精深高妙測之愈遠不可漫觀也

靖節集有數本七卷梁蕭統編以序傳顏延之誄載卷首十卷者北齊陽休之編以五孝傳聖賢郡輔錄序傳誄分三卷益之詩篇次差異按隋經籍志潛集九卷又云梁有五卷錄一卷唐藝文志潛集五卷今本皆不與二志同獨吳氏西齋目有潛集十卷疑卽休之本也休之本出宋庠家云江左

舊書其次第最有倫貫獨四八目後八儒三墨二

條疑後人妄加

出晁氏
書錄

明李空同視學江西得靖節之裔名亨者使爲九江郡學生亨因請刻其祖集空同曰刻集必去其注與評夫青黃者木災也太羹之味豈羣口所嗜哉夫陶子知其人者鮮矣矧惟詩于是盡舉注與評而刪之爲八卷凡八十一板并序此意于集首云

周羅睺

字公布潯陽人少好狗馬放蕩任俠仕陳爲晉陵
太守進爵侯嘗持節督豫章訟獄庭讞不關吏手
百姓懷之入朝時叅宴席陳後主曰周左率武將
詩每前成文士何後也都官尚書孔範曰羅睺執
筆製詩還而上馬入陣不在人後自是益見親禮
及陳亡以後主手詔勉強歸隋固辭爵祿嘗因朝
班調謔正色折韓擒虎賀若弼辭氣慷慨專對風
生卽此大有詩意固知與權龍襄夏日嚴霜明月
赤團之句者迥異矣武人能詩自來不多見顧若

弼有贈源雄詩傳于世而羅睺詩竟不傳是又有

幸有不幸也惜哉

若弼贈雄詩云交河驃騎幕合浦伏波營莫使麒麟上無我二

名人

劉脊虛

替慎古字

字全乙。新吳人。開元中舉宏詞。累官崇文館校書。

與孟襄陽王江寧齊名。為盛唐大詩人。識者評其

詩情幽興遠。思苦語奇。可以傑立江表。所居桃源

里。刺史吳兢高其行。改為孝弟鄉。以表異之。

南唐

昌奉新武寧三縣沿邊之地。近靖安鎮者。置驛安縣桃源里在焉。故脊虛又載靖安志其唐之

吳縣南唐改爲
奉新至今仍之

詩歸載脊虛詩十四首。鍾伯敬極愛之。謂其用意
狠處。全在不肯多。蓋一字去不得。因命林茂之書
爲小冊。而題其後有云。陶公坐高秋。俗士不敢入。
不受人去取。孤意先自立。自謂此君實錄。又評云。
詩少而妙難矣。然難不在陶洗。而在包孕。不在孤
嚴。而在深廣。讀脊虛一字一句一篇。若讀數十百
篇。隱隱隆隆。其中甚多。吾取此爲少者。法。

江南曲云。美人何蕩漾。湖上風日長。玉手欲有贈。

徘徊雙明璫。歌聲隨綠水。怨色起青陽。日暮還家望。雲波橫洞房。

暮秋揚子江寄孟浩然云。木葉紛紛下。東南日烟霜。林山相晚暮。天海空青蒼。暝色况復久。秋聲亦何長。孤舟兼微月。獨夜仍越鄉。寒笛對京口。故人在襄陽。詠思勞今夕。江漢遙相望。

送韓平兼寄郭微云。上客夜相過。小童能酤酒。卽爲臨水處。正值歸鴈後。前路望鄉山。近家見門柳。到時春未暮。風景自應有。余憶東州人。經年別來。

久慙勤爲傳語。日夕念攜手。兼問前寄書。書中復達否。

長

闕題云。道由白雲盡。春與青谿長。時有落花至。遠隨流水香。閒門向山路。深柳讀書堂。幽思每白日。清輝照衣裳。

寄江滬求孟六遺文云。南望襄陽路。思君情轉親。偏知漢水廣。應與孟家隣。在日貪爲善。昨來聞更貧。相知有遺草。一爲問家人。

積雪爲小山云。飛雪伴春還。春庭曉自閒。虛心應

任道遇賞遂成山峰小形全秀巖虛勢莫攀以幽
能峻潔謂近可循環孤影臨冰鏡寒光對玉顏不
隨遲日盡留顧歲華間

伯敬云此亦詠物體
有理有趣其妙可法

王季友

豐城人號雲峯居士開元登第博通羣籍能詩與
杜子美岑嘉州遊李勉觀察江西雅敬之表爲監
察御史歷遷中丞有詩集一卷元結篋中集載季
友詩二首本集凡七篇而篋中二首不在焉後鍾
譚詩歸益爲十首不知其一篇又何所搜考也十

首申爲五古者五。七古者四。五言排律者一。鍾伯敬評云。此公有古骨。古心。復有妙舌。妙筆。然在盛唐不甚有詩名。爲其少耳。又云。七言古尤妙。骨色似嘉州。而筆舌鬆妙似過之。

滑中贈崔高士。瓊云。夫子保藥命。外身得無咎。日月不能老。化腸爲筋否。十年前見君。甲子過我壽。云何今相逢。華髮在我後。近而知其遠。少見今白首。遙信蓬萊宮。不死世。世有元石采。盈擔神方秘。其肘問家。惟指雲。愛氣常言酒。攝生固如此。履道

當不朽。未能太元同。願亦天地久。實腹以芝朮。賤形仍芻狗。自勉將勉余。良藥在苦口。

代賀若令譽。贈沈千連云。相逢問姓名。亦存別時無。子今有孫山。上雙松長不改。百家惟有三家村。村南村西車馬道。一宿通舟水浩浩。澗中磊磊千里石。河上淤泥種桑麥。平塘塚墓皆我親。滿田主人是舊客。舉聲酸鼻問同年。十人七人歸下泉。分手如何更此地。回頭不語淚漣然。

宿東谿李十五山亭云。上山下山入山谷。谿中落

日。審。我。宿。松。石。依。依。當。主。人。主。人。不。在。意。亦。足。名。
花。出。地。兩。重。階。絕。頂。平。天。一。小。齋。本。意。由。來。是。山。
水。何。用。相。逢。話。舊。懷。

觀。于。舍。人。壁。畫。山。水。云。野。人。宿。在。人。家。少。朝。見。此。
山。謂。山。曉。半。壁。仍。棲。嶺。上。雲。開。簾。欲。放。湖。中。鳥。獨。
坐。長。松。是。阿。誰。再。來。招。手。起。來。遲。于。公。大。笑。向。予。
說。小。弟。丹。青。能。爾。爲。
譚友夏云嘉州詩稱人爲足下此詩自稱爲小弟只如說
話可悟真詩之妙

皇。帝。移。晦。日。爲。中。和。節。云。皇。心。不。向。晦。改。節。號。中。

和淑氣同風景佳名別詠歌滿裙移舊俗賜尺下
新科曆象千年正醕醢四海多花隨春令發烏度
艷陽過天地齊休慶歡聲欲盪波

杜詩丈夫正色動引經豐城客子王季友羣書萬
卷嘗暗誦孝經一通看在手豫章太守高帝孫引
爲賓客敬頗久王也論道阻江湖李也凝丞曠前
後吾輩碌碌飽飯行風后力牧長回首其賞慕之
如此豫章太守指李勉也

楊志堅

顏魯公爲臨川內史。邑有楊志堅者。嗜學而貧。妻
厭之。一日告離。志堅以詩送之。曰。平生志業在琴
詩。頭上如今有二絲。漁父尚知谿谷暗。山妻不信
出身遲。荆釵任意撩新鬢。明鏡從他別畫眉。今日
便同行路客。相逢卽是下山時。妻持詩詣州請牒。
求別離。顏公案其妻曰。王歡之廩旣虛。豈遵黃卷。
朱叟之妻必去。寧見錦衣。汗辱鄉閭。敗傷風俗。若
無褒貶。僥倖者多。遂筆之。後無棄其夫者。

按志堅作詩送妻。疑亦放曠不羈之士也。惜志堅

他詩不傳。其名爵通志亦未詳。令人氣悶。考魯公傳載臨川進士楊志堅能詩。公敬禮之。則志堅已第進士矣。特未審其後。曾登顯仕。如買臣之出守會稽否乎。從來婦人女子之見。與世俗同。造物每巧爲媿之。以滅交謫之口。常見古今出婦。目擊故夫榮貴如買臣者。頗多。況志堅如此襟懷。如此嗜學。應非塵埃中人也。姑紀之以俟知者。

陶峴

彭澤孫也。開元末。家崑山。泛遊江湖。自制三舟。與

孟彥深。孟雲卿。焦遂共載。吳越之士。號爲水仙。省
親南海。獲崑崙奴名摩訶。善泗水。至西塞山下。泊
舟吉祥佛寺。見江水深黑。謂必有怪物。投劍命摩
訶下取。久之支體磔裂。浮水上。峴流涕迴棹。賦詩
自叙。不復遊江湖矣。詩云。匡廬舊業是誰主。吳越
新居安此生。白髮數莖歸未得。青山一望計還成。
鴉翻楓葉夕陽動。鷺立蘆花秋水明。從此捨舟何
所詣。酒旗歌扇正相迎。

楊衡

初隱廬山有盜其文登第者衡因詣闕亦登第見其人盛怒曰一一鶴聲飛上天在否答曰此句知兄最惜不敢偷衡笑曰猶可恕也

宿青牛谷云隨雲步入青牛谷青牛道士留我宿可憐夜久月明中惟有壇邊一枝竹

題花樹云都無看花意偶到樹邊來可憐枝上色一一爲愁開

哭李象云白雞黃犬不將去寂寞空餘塋時路草死花開更幾年後人知是何人墓憶君思君獨不

眠夜寒月照青楓樹

衡元和中與符載俱隱廬山號符楊

廬山寺云千峯白露後雲壁掛殘燈曙色海邊月
經聲松下僧意閒門不閉年去水空澄稽首如何
問森羅盡一乘

熊孺登

送弟孺復往廬山詩云能騎竹馬辨西東未省煙
花暫不同第一早歸春欲盡廬山好看過湖風
白樂天洪州逢孺登詩云靖安院裡辛爨下醉笑

狂吟氣最麤

劉夢得送孺登歸鍾陵詩云。篋留馬卿賦。袖有劉弘書。

孺登元和進士官■川從事。洪州人以詩名。有詩集一卷。執易其從姪也。

吳武陵

侶同仇

初名偁。貴溪人。父勔字弱齡。好學善文。學者稱潛谷先生。有文集十卷。柳子厚爲序。武陵登元和第。以文學鳴于時。韓柳皆與之遊。子厚嘗稱其正直。

而文可與共興西漢文章。又曰武陵剛健士也。踴躍其誠。鏗鏘其聲。出而爲詩。其見許于柳州如此。詳見柳集。

幸南容

高安人。貞元進士。與柳子厚同年。子厚送之歸。序曰。比詞聯韻。奇藻逸發。爛若編貝。燦若貫珠。雖枚生長。聊無以尚之。

張頊

臨川人。隱居不仕。大中間。郡守蔡公遊放生池。禁

探捕忽有乘小舟釣者使詰之釣者口授一詩云
拋卻長竿捲卻絲。手携簑笠咏新詩。臨川太守清
如鏡。不是漁人下釣時。蔡曰此必張頂也。亟物色
之。不知所往。或傳以爲仙去。

施肩吾

字希聖。吳興人。元和登第。慕豫章西山。乃十二真
仙羽化之所。因卜隱焉。且以名其詩。有西山集五
卷。自爲序。今天寶洞西十里。施先生石室尚存。詩
集外著有羣仙會真記五卷。

肩吾爲詩奇麗著百韻山居詩才情富贍如荷翻

紫葢搖波面蒲瑩青刀插水滑又烟粘薜荔龍鬚

軟雨壓芭蕉鳳翅垂

全唐詩話

又句云顛狂楚客歌成雪媚嫵吳娘笑是鹽

關中人謂

好爲鹽故隋曲有疎勒鹽唐曲有突厥鹽阿鵲鹽

經吳真君舊宅云古仙煉丹處不測何歲年至今

空宅暮時有五色煙

西山靜中吟云重重道氣結成神玉闕金堂逐日

新若數西山得道者連余便是十三人

黃長孺既施真人集後畧云右唐施肩吾集其詩
無慮五百篇有自序冠焉而陳倩所叙纔六十二
篇蓋未嘗見完書也今合爲一集以雜筆三篇附
于後

來鵬

寒食山館書情云獨把一杯山館中每經時節恨
飄蓬。侵堦草色連朝雨。滿地梨花昨夜風。蜀魄哭
來春寂寞。楚囚吟後月朦朧。分明記得還家夢。徐
孺宅前湖水東。此爲南昌人無疑矣。而通志不載。

僅載來鵠南昌人有詩才大中咸通間名籍甚豈
卽一人或前後更名或鵠與鵬訛其偏傍乎抑或
另有一鵬係鵠之兄弟行而通志偶軼其名乎詩
頗類杜牧許渾鄭谷諸公其爲同時人無疑特鵠
與鵬是一是二未可知也姑闕之以俟知者

鵬又有鄂渚除夜書懷云鸚鵡洲頭夜泊船此時
形影共淒然難歸故國干戈後欲告何人雨雪天
筋撥冷灰書悶字枕陪寒席帶愁眠自嗟落魄無
成事明日東風又一年楚囚蜀魄故國干戈等語

想經擾攘之候其爲晚唐詩人無疑也詩亦過于酸繡絕類杜荀鶴其愁苦之音易爲工乎

又清明日與友人遊玉粒塘莊云幾宿春山逐陸
即清明時節好烟光歸穿細荇船頭滑醉踏殘花
展齒香風惡嶺雲翻迥野雨餘田水落方塘不堪
吟罷東回首滿耳蛙聲正夕陽此首便是李義山
爲之亦不能過也

三詩並見
全唐詩話

既閱文獻通考詩集類有來鵬集一卷三唐豫章
來鵬撰咸通中舉進士不第是南昌確然又有一

來鵬而通志未載蓋江西志乘之脫畧闕失也多矣

來鵬

通志載來鵬南昌人爲文師韓柳有詩才大中咸通間聲籍甚嘗觀穆宗實錄稱帝設史官執筆庭中日書起居注號聖政紀鵬美其事作頌云云以寓規諫頌文多不錄鵬又著儉不至說云剪腐帛而火焚者嗅得之必驚相詢也委餘食在地者見之必惜相讓也然而家有無用之費其去焚餘帛

棄餘食亦大相遠矣。而卒無有能驚駭之者。欲無困乏得乎哉。其持論如此。

鵲有古劍池詩云。秋水蓮花三四枝。我來慷慨步遲遲。不決浮雲斬邪佞。直成龍去欲何爲。

袁皓

字退山。宜春人。咸通進士。官集賢殿圖書使。自稱碧池處士。著有碧池書三十卷。

皓登第過岳陽。悅妓藥珠。以詩寄嚴使君曰。得意東歸過岳陽。桂枝香惹藥珠香。也知暮雨生巫峽。

爭奈朝雲屬楚王。萬恨只憑期尅手。寸心唯繫別離腸。南亭宴罷笙歌散。回首煙波路渺茫。嚴以妓贈之。

皓歸宜春。寄朝中知己十四韻云。水香甘似醴。知已入袁溪。黃竹成叢密。青蘿夾岸低。緩流鵝鵝戲。深樹鷓鴣啼。黃犬驚迎客。青牛困卧泥。有村皆續紉。無地不耕犁。鄉曲多耆舊。逢迎盡杖藜。慇懃供白酒。相勸有黃雞。歸老官知忝。還鄉路不迷。直言干忌諱。權路耻依棲。拙學趨時態。閒思與牧齊。稻

梁饒燕雀。江海溢鳬鷺。昔共逢離亂。今來息鼓鼙。
火鼠重燒布。冰蠶乍吐絲。直須天上手。裁得領巾
披。

盧肇族子邈

字子發。宜春人。兒時謁邑令盧萼。奇之。曰。子異日
當有聞。肇益力學。會昌中擢進士第一。初肇之未
舉也。李文饒謫州長史。殊遇肇。後肇應進士。文饒
入相。見其至。喜曰。吾喜爲金榜得狀元矣。肇與邑
人黃頗同。日赴舉。頗富而肇貧。郡牧餞頗。離亭肇
人黃頗同。日赴舉。頗富而肇貧。郡牧餞頗。離亭肇

駐蹇十里以俟明年肇以狀元還袁因競渡卽席
賦詩云向道是龍剛不信果然奪得錦標歸太守
有慚色

頗字無頗韓昌黎爲刺史頗師其文章亦振大名
與肇素不相下嘗觀肇爲碑版則唾之而去久方
第據言曰黃頗以洪興文章蹉跎者一十三載劉
纂以平漫子弟而折丹桂由斯言之可謂命能通
性豈曰性能通命者

據言十五卷唐末南
昌王定保竭聖著

族子邇景福進士嘗獻廻文詩二百首廻文之富

宜莫踰此惜其詩不傳

今宜春學宮卽肇故宅中有洗硯池產綠毛龜相傳昔時數龜遊池上其年與計偕者多高薦

開成初肇就江西解試爲試官末送肇有啓謝云巨鼈負首冠蓬山試官曰昨恨人數擠排深慙名第奉淹何云首冠肇曰頑石處上巨鼈戴之豈非首冠

任 濤

高安人咸通進士性慧超羣詩名早著常侍臨觀

察江西聞其詩有露溥沙鶴起人卧釣船流之句
特免其役鄉民有援例訟之者隲大書判云江西
界內如有詩似濤者並與免役卒莫敢應

裴式微

餘干人寶應間隱居琵琶洲有東齋十二楹時劉
長卿謫居餘干與姜濬數過之觴咏盡歡長卿爲
賦東齋詩

鄭谷

字守愚宜春人光啓三年進士七歲能詩穎悟絕

倫父史永州刺史與司空圖同院圖一見谷奇之
撫背曰當爲一代風騷主後官都官卽中詩名甚
盛一時傳諷號曰鄭都官詩而弗名也自叙云故
許昌薛尚書能爲都官卽中後數年建州李員外
自憲府內彈拜都官員外皆一時騷雅宗師都官
之曹振盛于此余早受知今忝此官復是正秩何
以相繼前賢耶谷詩有雲臺編三卷以其扈從華
山下居雲臺觀所編故名又有宜陽外編一卷谷
嘗詠鷓鴣詩尤工人號鄭鷓鴣

蜀中海棠云濃澹方春滿蜀鄉半隨風雨斷鶯腸
浣花溪上堪惆悵子美無情爲發揚

十日菊云節去蜂愁蝶不知曉庭還繞折殘枝自
緣今日人心別未必秋香一夜衰

偶題云一卷陳蕪一百篇名成未敢便忘筌何如
海日生殘夜一句能令萬古傳

題杭州樟亭云故國江天外登臨返照間潮平無
別浦木落見他山沙鳥晴飛遠漁人夜唱閒歲窮
歸未得心逐片帆還

石門山泉云一脉清冷任所之縈莎漱蘚入空池
雲邊野客窮來處石上寒猿見落時聚沫繞槎殘
雪在迸流穿樹墮花隨烟春雨晚閒吟去不復遙
尋星子陂

感興云禾黍不陽艷競栽桃李春翻令力耕者半
作賣花人

相看臨遠水獨自上孤舟

句

春陰妨柳絮月黑見

梨花

句

情多最恨花無語愁破方知酒有權

句

關

東多事日天末未歸心

句

捲卷斜陽裡看山落木

中句 兩浙尋山遍孤舟帶鶴歸句 長安一夜殘春

雨右省三年老拾遺句 班趨黃道急殿揖紫宸深

句

谷與同時張喬許棠張蠙喻坦之等齊名號十哲
贈高蟾詩云張生故國三千里知者惟應杜紫微
君有君恩秋後葉可能更羨謝玄暉蓋蟾有官詞
君恩秋後葉日日向人疎最爲時所傳誦

雪詩云江上晚來堪畫處漁人披得一簑歸見者
以爲奇絕

睡輕可忍風敲竹飲散那堪月在花

句

亂飄僧舍

茶煙濕密洒歌樓酒力微

咏雪句

谷嘗有句云愛僧不愛紫衣僧宋初釋贊寧者能
辭辯一日與數僧街行遇文士安鴻漸安好調謔
指而嘲曰鄭都官不愛之徒時時作隊寧應聲曰
秦始皇未坑之輩往往成羣時皆善其捷對

文秀唐末詩僧也與谷往還甚契谷有喜秀上人
相訪詩云他夜松堂宿論詩更入微又次韻秀上
人長安寺居言懷云舊齋松老別多年香社人稀

喪亂間出寺只如趨內殿閉門長似在深山又重
訪秀上人云展畫長懷吳寺殿宜茶偏賞雪溪泉
又寄題詩僧秀公云靈一心傳清塞心可公吟後
楚公吟近來雅道相親少唯仰吾師所得深好句
未停無暇日舊山歸老有東林吟曹孤宦甘寥落
多謝携筇數訪尋又送秀遊五臺云內殿評詩切
身迴心未迴蓋秀南僧而居長安多以詩文應制
故也

送進士盧棨東歸云灞岸草萋萋離觴我獨携流

年俱老大失意又東西曉楚山雲滿春吳水樹低
到家梅雨歇猶有子規啼

送顏明經及第東歸云平楚干戈後田園失耦耕
艱難登一第離亂省諸兄樹沒春江氣人繁野渡
晴閒來思學館猶夢雪牕明

淮上漁者云白頭波上白頭翁家逐船移浦浦風
一尺鱸魚新釣得兒孫吹火荻花中

天澹滄浪晚風吹蘭杜秋

句

樹盡雲垂野檣稀月

滿湖

句

風高群木落夜久數星流

句

煙舟撐晚瀨

雨屐剪春蔬

句

送許彬罷舉詩有云吾子雖言命鄉人懶讀書此語煞有味蓋懷才績學者不第則俗情異倖者必多無復沉思好古以應國家之求而風俗人心因以大壞可歎也然則蔽賢種謬之罪可容誅哉

昔年共照松溪影松折碑荒僧已無今日還思錦城事雪消花謝夢何如

谷詩也滄浪詩話謂之扇對體又謂之隔句對

孫 魴

潤州金山寺張祐孫魴留詩爲第一篇山居大江

中迥然孤秀詩意難盡羅隱云老僧齋罷關門睡
不管波濤四面生孫生句云結宇孤峯上安禪巨
浪間又曰萬古波心寺金山名曰新天多剩得月
地少不生塵過櫓妨僧定驚濤濺佛身誰言張處
士題後更無人魴夜坐句云劃多灰漸冷坐久席
成痕沈彬曰此田舍翁火爐頭作爾魴南昌人唐
末鄭谷避亂歸宜春魴往依之頗爲誘掖後有能
詩聲終于南唐魴父畫工也王微爲中書舍人草
魴詰詞云李陵橋上不吟取次之詩顧凱筆頭豈

畫尋常之物魴恨之

出全唐詩話

廖融

字元素虔化人

今寧都縣

唐末隱南嶽與逸人任鵠凌

蟾王正己王元共結吟社自號衡山居士

王貞白

字有道上饒人乾寧進士授秘書郎隱居教授以道學自任四方學者多師之其詩有靈溪集七卷自爲序永豐人有藏者洪景廬得而梓之行于世題嚴陵釣臺云山色四時碧溪光七里清嚴陵愛

此景下視漢公卿垂釣月初上放歌風正輕應憐
渭濱叟匡國祇論兵

晝煙籠澗黑殘雪隔林明

句

廖光圖

字贊禹虔化人文學博瞻爲時輩所服南唐時湖
南馬氏辟幕下奏天冊府學士以翰漈知名正圖
匡圖其兄弟行也俱有詩集匡圖爲湖南從事官
至刺史

廖凝

字熙績虔化人十歲詠白云滿汀鷗不散一局黑
全輸咸驚異之後仕南唐至刺史與昇平相李建
勳爲詩友有集行世

凝居官極廉嘗任彭澤令作詩云風清閣竹留僧
宿雨濕庭莎放吏衙及解印又有詩云五斗徒勞
自折腰三年兩鬢爲誰焦今朝官滿重歸去還挈
來時舊酒瓢時人以爲實錄

陳陶

字嵩伯劍浦人晁氏以爲鄱陽人性沉毅博學善

屬文聲詩曆象無不精究昇元中隱西山

在今新建縣

自號三教布衣宋齊丘鎮洪州招之不出或傳以爲得仙去有詩文集十卷

嵩伯隱西山嚴譔守郡遣妓蓮花試之竟夕不納
獻詩云蓮花爲號玉爲腮珍重尚書遣妾來處士
不生巫峽夢空勞雲雨下陽臺嵩伯答云近來詩
思清于水老去風情薄似雲已向昇天得門戶錦
衾深媿卓文君

香城寺云千地巖宮禮竺皇旃檀樓閣半天香祇

園樹老梵聲小。雪嶺花深燈影長。霄漢落泉供月
界。蓬壺靈鳥待雲房。何年七七真人降。金錫珠壇
滿上方。

鍾陵秋夜云。洪崖嶺上秋月明。野客枕底章江清。
蓬壺宮闕不可夢。一一入樓歸鴈聲。

明季邑人陳弘緒刻陶詩集。書後曰。吾邑香城寺
西有嵩伯讀書堂。予讀英華類選諸編。得陶詩頗
多。手錄一帙。欲共施希聖雜韻合梓。題曰西山二
隱尚苦搜羅。朱廣甲申秋杪偶過故書店。張氏有

費君闇如唐雅刻陶詩四十餘葉合之前錄幾已
無遺獨希聖存稿寥寥遂以此集先授剗晚唐
佳處在于纖巧俊逸而或失之堆積濃艷令人迷
悶不可耐溫庭筠有其妙亦有其累其累之尤者
莫如陶然遇其瑰響驟發傑思突來如雞鳴曲隴
西行諸篇亦千古絕調也空山流水日把其詩吟
詠如見其人于古松頽石之間何知紅塵十丈
陶築室西山以詩酒爲事會齊丘出鎮陶不爲屈
而齊丘亦不之薦陶作詩自詠曰一顧成周力有

餘白雲閒釣五溪魚。中原莫道無麟鳳。自是皇家
結網疎。

陶少與水部郎任琬善。嘗以詩遺之云。好向明朝
薦遺逸。莫教千古弔靈均。後一意脩煉。西山產藥
物數十種。陶採而餌之。有詩云。乾坤見了文章懶。
龍虎成來印綬疎。又云。長愛仙人王子喬。五松山
月半吹簫。任他浮世悲生死。獨駕蒼龍入九霄。又
題徐亭云。伏龍山橫洲渚地。人如白蘋自生死。洪
崖成道二千年。惟有徐君播青史。又作仙人詩二

絕云小仙皆云十洲客。莠蒿爲衣雙耳白。清編遺
我忽隱身。暮雲紅霞一千尺。一赤城門開六丁直。
曉日已紅東海色。朝天半路聞玉雞。星斗離離礙
龍翼。二宋開寶中。洪州嘗有一叟。角髮披褐。與老
媪貨藥于市。獲錢市鮓對飲。旁若無人。旣醉行舞
而歌曰。藍採和。藍採和。塵世紛紛事更多。爭如賣
藥沽酒飲。歸去洪崖拍手歌。或識以爲嵩伯夫婦
云。

秋山落照見麋鹿。南國異花開雪霜。鍾陵道中可憐無

定河邊骨猶是春閨夢裡人。隴西行

沈彬

字子美。一云字子文。高安人。天性狂逸。好神仙事。少孤。西遊。以三舉爲約。嘗夢着錦衣。貼月而飛。識者謂雖有虛名。不入月矣。果終不第。洪州解至長安。初舉。納省卷。夢仙謠云。玉殿大開。從客入金桃。爛熟没人偷。鳳驚寶扇頻翻翅。龍悟金鞭忽轉頭。第二舉。憶仙謠云。白榆風颯。九天秋。王母朝回。宴玉樓。日月漸長。雙鳳睡。桑田欲變。六鰲愁。雲翻簫

管相隨去星觸旌幢各自流詩酒近來狂不得騎
龍卻憶上仙遊第三舉納省卷贈劉象爲首云會
應大中天子舉四朝風月鬢蕭疎不隨世祖重携
劍卻爲文皇再讀書十載戰塵銷舊業滿城風雨
壞貧居一枝何事于君惜仙桂年年幸有餘時象
孤寒三十舉無成主司覽彬詩其年特放象及第
乾符中彬南遊過吳知先王欲伐楊氏獻山水圖
詩云須知手筆安排定不怕山河整頓難覽而喜
之保大中以吏部侍郎致仕退居高安臨終自指

塋處家人穴之乃空塚石磴上有漆燈一盞壙頭
有銅碑鐫篆文云佳城今已開雖開不埋塋漆燈
猶未滅留待沈彬來

彬詩集一卷中有與韋莊杜光庭貫休詩三人唐
末皆在蜀疑其同時避亂嘗入蜀云所上山水圖
詩亦在集中

時僖宗方幸成都四方多事故彬詩云九衢冠蓋
暗爭路四海干戈多異心

塞下曲云塞葉聲悲秋欲霜寒山數點下牛羊映

霞旅鴈隨疎雨向磧行人帶夕陽邊騎不來沙路
失國恩深後海城荒漠庭向化新成長猶自千回
問漢王

詩僧卿雲長安言懷寄沈彬侍郎云故園梨嶺下
歸路接天涯生作長安草勝爲邊地花鴈南飛不
到書北寄來賒堪羨神仙客青雲早致家

彬子麟學道玉笥山常衣單褐風雪不易嗜酒賦
詩自號沈道者一日詣縣宰戲之曰沈道者何日
道成乎作詩云何須問我道成時紫府青都自有

期手握藥苗人不識體含仙骨俗爭知

宋齊丘

西溪叢語云紹興壬子夏侍先公駐軍建康寓保寧寺登鳳凰臺有小碑在亭上云五言三十韻詩一首題鳳臺山亭子陳獻司空卿貢進士宋齊丘上嵯峨壓洪泉。峩峩撐碧落。宜哉秦始皇。不驅亦不鑿。上有布政臺。八顧皆城郭。山蹙龍虎健。水黑螭蜃作。白虹欲吞人。赤驥相搏撮。畫棟泥金碧。石路盤峽峭。倒挂哭月猿。危立思天鶴。鑿池養蛟龍。

栽桐栖鶯鷺。梁間燕教雛。石罅蛇懸殼。養花如養
賢。去草如去惡。日晚嚴城鼓。風來蕭寺鐸。掃地驅
塵埃。剪蒿除鳥鵲。金桃帶葉摘。綠李和皮嚼。貞竹
無盛衰。嬌柳先搖落。塵飛景陽井。草合臨春閣。芙
蓉如佳人。回首似調謔。當軒有直道。無人肯駐脚。
夜半鼠窸窣。天陰鬼敲啄。松枯不易立。石醜難安
着。自憐啄木鳥。去蠹終不錯。晚風吹梧桐。樹頭鳴
噪噪。戔戔江令石。青苔何澹薄。不話興亡事。舉首
思渺邈。吁哉未到此。福劣同尺蠖。籠鶴羨鳬毛。猛

虎愛蝸角。一日賢太守。與我觀橐籥。往往獨自語。
天帝相唯諾。風雲偶不來。寰宇銷一畧。我欲烹長
鯨。四海爲鼎鑊。我欲取大鵬。天地爲繒繳。安得長
羽翰。雄飛上寥廓。後題云前朝天祐八年二月二
十一日題後唐昇元三年二月八日奉勅勒石具
官王紹顏奉勅書具官王仁壽鑄大宋治平四年
九月望日重摹上石後數月一夕風雨亭頽石裂
考先主舊名知誥爲徐溫養子以天祐九年遷昇
州刺史饒洞天薦齊丘于先主齊丘因逆旅隣娼

魏氏女竊賂遺數緡獲脩管幅遂克投贄一見先
主賓以國士今觀題鳳臺山亭子詩陳獻司空乃
鄉貢進士時豈當投贄之時乎後題天祐八年恐
記事者差一年也

齊丘字子嵩袁州萬載人少孤好學善屬文所題
鳳臺亭子詩古秀蒼勁儘有可觀而不爲宋諸公
所稱豈以其事偏安之主故鄙而不屑道耶養花
如養賢去草如去惡二語殊有意味宰相蘊藉已
見于此不可以小國之佐而遂并廢其言也

齊丘相江南二世嘗獻鳳凰臺詩中有我欲烹長
鯨四海爲鼎鑊我欲羅鳳凰天地爲繒繳之句皆
欲諷其跋扈也而主終不聽不得意上表乞歸九
華其畧云千秋載籍願爲知足之人九朶峯巒永
作乞骸之客

出湘山野錄

此載齊丘獻詩前後之間與西溪所論不同故並錄

之然考亭碑所紀似當以西溪之言爲確

齊丘著有化書六卷語多宗黃老張文潛嘗題其
後謂其文章頗高簡可喜

伍喬

廬江郡潯陽人卽今德化縣也讀書廬山國學苦節自勵一夕見人掌自牖入中有讀易二字因取易探牘索隱一浮屠夜夢視天一大星芒色甚異旁有人語曰此伍喬星也覺而訪之厚其貲使入金陵春試畫八卦賦舉進士第一南唐故事中選者主司必延之陞堂勞以酒先已得宋貞觀俄又得張洎就坐矣繼得喬文主司驚歎乃徙貞觀洎席居之覆試遂領狀頭元宗勒其文于石以爲永式官考功卽後歸宋著有詩集一卷

晚秋同何秀才溪上云閒步秋光思杳然荷藜因
共過林煙期收野藥尋幽路欲採溪菱上小船雲
吐晚陰藏霽岫柳含餘靄咽殘蟬倒尊盡日忘歸
處山磬數聲敲暝天

樂史

字子正崇仁人南唐進士復登宋甲科轉都官員
外郎編纂最富所著書近千卷詔藏秘閣子四皆
第進士顯于時

鐘山寺詩云千峯夾一徑一徑花枕泉聽泉復看

花行到鐘山前古寺雲生屋高僧月伴禪自慚留
一宿匹馬又朝天

史家池傍有巨鱗鱗甲爪距如金一日風雨大作
化龍去卽史登科日也因名其池曰化龍云

丘 昶

字孟陽貴溪人南唐進士歸宋官太子中舍叙唐
以來詩賦源流爲賓朋宴語三卷天禧辛酉鄧賀
爲序

弟應時春及校

西江詩話 卷一終